

# ÁŠŠEČILGEHUS

\_\_\_ Vuoddodokumenta

\_\_x\_\_ Jorgaluvvon dokumenta

Vuorkáášši: 2017/2402-4	Vuorká: G27	Áššemeannudeaddji: 'Kent Ailo Hætta	Dáhton: 30.05.2017
----------------------------	----------------	--	-----------------------

Lávd.áššer.	Lávdegoddi	Čoahkkindáhton
	Ovdagotti mearrádusevttohančoahkkin	
	Suohkanstivra	

## DOAIBMADOARJJA FYSIOTERAPEVTII.

### Diehtu sáddejuvvo:

Martin Persson

Dearvvašvuhta ja fuolla

### Čujuhuvvo dása:

Doaibmadoarjaga ohcamuš; fysioterapeuta Martin Persson

### Mildosat:

Fysioterapeuta doaibmadoarjaga ohcamuš

Guovdageainnu fysioterapiijabálvalusa cealkámus priváhta doaimma ásaheapmái.

### Áššečilgehus:

Guovdageainnu suohkan lea guovvamánu 1.beaivvi 2017 ožžon doaibmadoarjjaohcamuša iešheanalis ealáhusdoallis fysioterapeutas Martin Persson. Son ohcá 100 % doaibmadoarjaga ja ruhtasupmi lea 420 600,- kr, suoidnemánu 2016 dáhtomis (gč. mildosa).

Suohkana fysioterapiijabálvalus odne vuoruha mánáid, čuohtaduvvon pasienttaid, doddjonvahágiid ja eará pasienttaid mat bohtet buohcciviesus. Pasienttat geat eai leat dán vuoruheamis, šaddet vuordit golmma mánus gitta guđa mánnui.

Doaktáriidsearvi ja suohkana fysioterapiijabálvalus leat addán cealkámuša ohcamuššii.

Doaktáriidsearvi lea positiiva dasa ahte fysioterapiijabálvalus viiddiduvvo, ja dan lea doaktáriidsearvi olu jagiid ohcalan. Dát lasihivččii kapasitehta veajuidahttit ja dikšut pasienttaid Guovdageainnus, ja dan láhkái sáhtášii váikkuhit dasa ahte buohcanjávkan unnu (ii leat mielddus, lea telefovnnas gulahallojuvvon).

Guovdageainnu fysioterapiijabálvalus lea positiiva ásahtit fysioterapiijadoaimma mas lea doaibmašiehtadus, jus dat ii leat hehttehussan fysioterapiijadoibmii mii lea juo ásaheavvon (gč. mildosa).

### **Árvvoštallan:**

Guovdageainnu suohkanis leat dál guokte fásta virgáduvvon fysioterapeuta, ja deike váldojuvvo maid turnusfysioterapeuta go dan juhket midjiide. Pasientalohku lea dan mađe allat Guovdageainnus ahte leat oallut pasienttat geat šaddet dikšundiimmu vuordit 3 mánuš gitta 6 mánnui, ja dat dagaha dan ahte manná mihá guhkit áigi ovdal go álggahuvvo veajuidahhtin ja nu gártet sii geat leat barggus, guhkit áiggi buohcindiédihuvvot. Eastadeaddji barggut gártet álo hálbbidun go dat ahte mañniláiggi divššu addit. Go rahpat saji priváhta fysioterapiijabálvalussii, de beassá suohkana bálvalus ráddjet stuorát saji eastadeaddji doaimmaide. Ovdamearkan namuhit iešgudetlágan doaimmaid geavaheddjiid hárrái geat orrot ruovttuin. Sávaldat livččii ahte boares olbmot besset iežaset ruovttus orrut nu guhká go vejolaš.

Odne mannet oalle ollu olbmot Áltái fysikalalaš dikšui. Jus Guovdageainnus viiddiduvvo dikšofálaldat, de sáhtta dat dahkat ahte unnit virgehasat dárbbasit permišuvdnabeivviid, ja unnit dárbbasuvvojit sadjásašbargit.

Dearvvašvuhta ja fuollaovttadat ii leat bušehtii várren doaibmadoarjaga iešheanalís ealáhusdoalli fysioterapeutai jagis 2017. Jus suohkanstivra dahká mearrádusa ahte álggahit dán doaimma, de lea eaktun ahte dearvvašvuhta ja fuollaovttadagas dahkkojuvvo bušehttareguleren mii gokča doaibmadoarjaga ruhtameari. Doaibmadoarjja lea 420 600,- kr, ja dán oktavuodas doaibmadoarjja lea 175 250,- kr borgemánu rájes ja 2017 lohppii. Jagi 2018 rájes evttohit ahte doaibmadoarjja váldojuvvo bušehtii fárrui.

### **Mearrádusevttohus:**

Suohkanstivra juolluda doaibmadoarjaga Martin Perssona iešheanalís ealáhusdoalli fysioterapiijadoibmii ja borgemánu 1.beivvi rájes 2017. Doaibmadoarjaga gokčat ruđa lasihemiin (bušehtta regulerejuvvo) Dearvvašvuhta ja fuollaovttadaga bušehttarámmas supmin 175 250,- kr, mii gokčá 2017 doaibmadoarjaga.

Hálddahus lágida “ASA 4303 avtale om driftstilskudd og takster for fysioterapeuter med driftsavtale med kommuner”.